



Samningur Kraftlyftingasambands Íslands við yfirþjálfara og aðstoðarþjálfara í landsliðsverkefnum

Hér með gera Kraftlyftingasamband Íslands kt. 700410-2180 (KRAFT)
og

_____ kt. _____

_____ netfang _____ farsími

Samning um þátttöku á alþjóðlegum mótum fyrir hönd KRAFT

I. Markmið og lagaumhverfi

1. gr.

Með þessum samningi er kveðið á um hlutverk og skyldur KRAFT sem sérsambands innan ÍSÍ, sem og þjálfara á vegum sambandsins. Markmiðið er að búa sem best í haginn fyrir keppendur svo hámarksárangri sé náð svo og markmið afreksstefnu KRAFT .

Ákvæði samnings eru til viðbótar þeim reglum sem þjálfurum í skipulögðum viðburðum ber að fylgja. Þannig má nefna ferðareglur KRAFT, lög og reglur ÍSÍ, reglur Alþjóða kraftlyftingasambandsins (IPF), reglur WADA og landslög. Það er á ábyrgð þjálfara að kynna sér viðeigandi lög og reglur.

Áhersla er lögð á að allir sem taka þátt í verkefnum á vegum KRAFT sýni af sér háttvísi og þróðmennsku, og gangi í hvívetna fram með íþróttamannslegum hætti hvort sem er í keppni eða utan hennar, svo sem á samfélagsmiðlum.

Undirritun samnings þessa er skilyrði þátttöku fyrir hönd KRAFT í landsliðsverkefnum sambandsins.

Þjálfarar skulu hafa lokið ADEL High Performance Coaches' Education Program og leggja fram staðfestingu við undirritun þessa samnings.

2. gr.

Landsliðsnefnd starfar samkvæmt verklagsreglum ákveðnum af stjórn KRAFT. Hún skal fyrir 31. desember ár hvert senda KRAFT tillögur sínar að landsliði og verkefnum næsta tímabils til samþykktar og skal birta landsliðsval í byrjun janúar.

Stjórn KRAFT hefur endanlegt úrskurðarvald um ágreiningsmál ef upp koma. Eins fljótt og auðið er skal velja yfirþjálfara í hvert verkefni og aðstoðarþjálfara eftir atvikum og skulu þau undirrita þennan samning.

Í janúar er haldinn upplýsingafundur landsliðsnefndar vegna verkefna ársins og er þjálfurum skylt að sækja þann fund.

II. Skyldur KRAFT

3.gr.

Til þess að þau markmið náist sem um getur í 1. og 2. gr. skuldbindur KRAFT sig til að leggja til:

- a. Endurgreiðsla fyrir ferð og gistingu samkvæmt samkomulagi hverju sinni
- b. Endurgreiðsla fyrir útlagðan kostnað s.s. símakostnaður o.a. samkvæmt samkomulagi.
- c. Dagpeningar samkvæmt samkomulagi
- d. Landsliðsbúning.
- e. Samskipti við mótshaldara og alþjóðasamtök.

Endurgreiðsla kostnaðar á sér stað um leið og lokaskýrsla yfirþjálfara hefur borist á netfangið coach@kraft.is

III. Skyldur þjálfara

4.gr.

Til þess að þau markmið náist sem um getur í samningi þessum skal þjálfari fylgja þeim ákvörðunum sem samþykktar hafa verið af stjórn KRAFT. Allar tilkynningar, fyrirspurnir og önnur samskipti frá þjálfara samkvæmt samningi þessum skulu berast á coach@kraft.is, nema annað sé tekið fram.

Yfirþjálfari skal í samvinnu við íþróttastjóra fylgjast með undirbúningi tilgreindra keppenda og aðstoða eftir þörfum. Hann skal án tafar upplýsa íþróttastjóra ef breytingar verða á högum keppenda, s.s. meiðsli.

Þjálfari skal án tafar tilkynna íþróttastjóra með tölvuskeyti á coach@kraft.is, ef fyrirsjáanlegt er að hann geti ekki staðið við skuldbindingar samkvæmt samningi þessum. Hætti þjálfari að eigin frumkvæði við þátttöku í keppni sem hefur verið ákveðin skv. samningi þessum án þess að góðar og gildar ástæður liggi til grundvallar þeirri ákvörðun er honum skylt að endurgreiða KRAFT allan útlagðan kostnað og styrki vegna fyrirhugaðrar þátttöku. Slík ákvörðun getur haft áhrif á framtíðarval hans til landsliðsverkefna.

5.gr.

Þjálfari skal ætíð haga hegðun sinni og öðrum þáttum sem taldir eru hafa áhrif á árangur í keppni samkvæmt markmiðum samningsins og skal hagur keppandans hafður í fyrirrími. Yfirþjálfari ákveður verkefni og ábyrgð aðstoðarþjálfara á mótstað og skal aðstoðarþjálfari hlíta ákvörðunum hans. Þjálfurum er skylt að aðstoða þá keppendur sem yfirþjálfari ákveður og vera til taks á mótstað eða meðal áhorfenda til að hvetja keppendur.

Yfirþjálfari undirritar fylgiskjöl 2 og 5 og fer í hvívetna eftir því sem þar segir.

6. gr

Þjálfari pantar flug og gistingu í samráði við skrifstofu KRAFT og er greiðslum háttað samkvæmt samkomulagi hverju sinni.

Ef mótshaldari fer fram á að pantanir fari gegnum KRAFT skal þjálfari sjá til þess að allar nauðsynlegar upplýsingar berist skrifstofu KRAFT í síðasta lagi fimm vikur fyrir mót.

Þjálfara ber skylda til að gista á því hóteli sem skipuleggjandi keppninnar leggur til og keppendur gista á. Komi til sektargreiðslu vegna þess að hann brýtur ákvæði þetta er sú sektargreiðsla alfarið á ábyrgð hans.

Þjálfari skal mæta á mótstað erlendis og yfirgefa staðinn samkvæmt ákvörðun í samningi þessum.

7.gr.

Um klæðnað gilda eftirfarandi reglur: Þjálfari skal klæðast gildandi landsliðsból, landsliðsbuxum eða landsliðsgalla á ferðalagi, tæknifundi, mótstað og mótshóteli. Í sjálfri keppni klæðist þjálfari gildandi landsliðsból og keppnisgalla. Á lokahófi skal hann vera snyrtilega klæddur.

Óheimilt er að klæðast landsliðsbúningi við önnur tækifæri en í landsliðsverkefnum eða við kynningar eða myndatökur vegna landsliðsverkefna.

Óheimilt er að setja aðrar auglýsingar á búninginn eða annan klæðnað en þær sem KRAFT ákveður.

Þjálfari sem fær búning að láni skal skila honum hreinum sem fyrst eftir heimkomu.

8.gr.

Vanræksla á skyldum samkvæmt framansögðu eða brot gegn reglum sem nefnd eru í 1.gr. þessa samnings getur leitt til þess að þjálfari fellur út úr landsliði KRAFT og tekur því ekki þátt í mótum fyrir hönd Íslands. Sú ákvörðun er í höndum stjórnar KRAFT. Áður en kemur til þess skal viðkomanda með sannanlegum og skriflegum hætti (tölvupósti) gefinn kostur á að bæta úr þeim atriðum sem ábótavant þykja.

IV. Lyfjamál

9.gr.

Þjálfari skal fylgja gildandi reglum um lyfjanotkun og er hann undir lyfjalögsögu ÍSÍ, þ.e. reglum ÍSÍ, WADA og IPF. Ef þjálfari hefur ástæðu til að ætla að keppendur noti ólögleg efni eða lyf sem gæti innihaldið efni á bannlista WADA skal hann þegar í stað gera landsliðsnefnd viðvart.

Keppandi skal vinna fræðsluefni WADA fyrir alþjóðaðaþátttöku þjálfara og leggja fram staðfestingu þar um

Ef þjálfari gerist brotlegur gegn reglum um lyfjanotkun á samningstímabilinu eða brýtur gróflega gegn öðrum reglum KRAFT eða íþróttahreyfingarinnar að mati stjórnar KRAFT, fellur samningurinn þegar úr gildi.

10.gr.

Ef keppandi er kallaður í lyfjapróf skal þjálfari ekki yfirgefa staðinn fyrr en lyfjapróf hefur verið tekið.

V. Almenn ákvæði

11.gr.

Þjálfari skal upplýsa landsliðsnefnd um alla þá styrki sem hann hlýtur vegna ferða á vegum sambandsins og Afrekssjóðs ÍSÍ. KRAFT og landsliðsnefnd eru bundin trúnaði um þær upplýsingar sem hann lætur þeim í té samkvæmt ákvæðinu. Skal þess gætt að styrktaraðili eða vara hans og þjónusta fari ekki gegn reglum og lögum KRAFT, ÍSÍ, IPF, landslögum eða brjóti í bága við almennt velsæmi.

12.gr.

Þjálfara ber að kynna sér og fara eftir ferðareglum KRAFT svo og reglum og skyldum yfirþjálfara og aðstoðarþjálfara á mótstað, en um þær er fjallað í fylgiskjölum með samningi þessum. Þjálfari skal auk þess kynna sér öll meðfylgjandi fylgigögn með samningi þessum og staðfesta það með undirskrift sinni.

13.gr.

Við undirritun samnings þessa skal **yfirþjálfari** leggja fram skírteini eða gögn sem vottar menntun hans og reynslu á sviði kraftlyftingaþjálfunar og annað sem á við í þessu sambandi. Að loknu móti skal **yfirþjálfari** skila stuttri skriflegri skýrslu til landsliðsnefndar með afrit á kraft@kraft.is Þar skal gera grein fyrir árangri keppenda miðað við yfirlýst markmið, segja frá atvikum sem kunna að hafa komið upp og benda á hluti sem megi bæta varðandi utanumhald keppenda erlendis.

Samningur þessi er gerður í tveimur eintökum. Við undirritun samningsins falla úr gildi allir fyrri samningar milli samningsaðila.

Aðilar að samningi þessum skulu gæta trúnaðar um hann.

Að öðru leyti en að framan greinir gilda um samning þennan íslensk lög.

Samningurinn gildir frá _____ til _____

Ég, undirritaður hef lesið ofangreint samkomulag og fylgiskjöl og staðfesti það með undirskrift minni. Ég mun fylgja þeim reglum sem í gildi eru og leggja mig fram við að efla íslenskar kraftlyftingar og vera verðugur fulltrúi Kraftlyftingasambands Íslands og íslensku íþróttahreyfingarinnar.

Staður og dagsetning _____

Þjálfari

F.h. Kraftlyftingasambands Íslands

Vottar:

Með samningi þessum fylgja eftirtalin fylgiskjöl:

Fylgiskjal 1 um fyrirhuguð mót , dagsetningar og hlutverk.

Fylgiskjal 2 Responsibilities of coaches

https://www.powerlifting.sport/fileadmin/ipf/data/championships/informations/Coach_Responsibility_update_30.11.2014.pdf

Fylgiskjal 3: IPF Guidance for Coaches

<https://www.powerlifting.sport/fileadmin/ipf/data/rules/Guidance-for-Coaches.pdf>

Fylgiskjal 4 IPF Coach Code of Ethics

https://www.powerlifting.sport/fileadmin/ipf/data/rules/IPF_Coach_Code_of_Ethics.pdf

Fylgiskjal 5: IPF Code of Ethics

https://www.powerlifting.sport/fileadmin/ipf/data/rules/IPF_Code_of_Ethics.pdf

Fylgiskjal 1:

A. Fyrirhuguð mót samkvæmt samningi þessum.

Hér skal tiltaka hlutverk þjálfara - Yfirþjálfari/Aðstoðarþjálfari:
